



Hr. Inatsisartunut ilaasortaq Anthon Frederiksen  
/MAANI

## **Sinerissap qanittuani aalisartut immikkut ittumik tapiiffiqineqarnissamik qinnuteqaataat pillugu apequteqaammut Naalakkersuisut akissuteqaataat.**

Ulloq 12. januar 2009 Naalakkersuisoqarfimma sinerissap qanittuani aalisartut immikkut ittumik tapiiffiqineqarnissamik qinnuteqaataannut tunngatillugu apeqquteqaatitit tigusemavai.

- 1. Sinerissap qanittuani aalisartut immikkut ittumik tapiiffiqineqarnissamik qinnuteqaataat Naalakkersuisut qanoq isummerfigaat?**

01.28/2009 / 61.12  
23. januar 2009  
Postboks 269  
3900 Nuuk  
Oq/tel +299 34 50 00  
Fax +299 32 47 04  
aapip@gh.gl  
www.nanoq.gl

### **Akissut**

Naalakkersuisut suleqatigiissitamik pilersitsivoq, sinerissap qanittuani aalisartut saaffiginnissutaanni ajornartorsiutit taakkartorneqartunut aaqqiissuteqarnissamut siunnersuusiortussamik. Suleqatigiissitaq Aalisarnermut, Piniarnermut Nunalerinermullu Naalakkersuisoqarfimmit aamma Aqutsisoqarfimmit atorfilittat, Royal Greenland A/S, KNAPK aammalu KumiConsult-imiit aallartitanik inuttaqarpoq. Ulluni makkunani suleqatigiissitaliap sulinerata inaarsarlugu ingerlappaa, taavalu suleqatigiissitap sulinerata inernerata sapaatip akunnera 5-ip aallartinnerani Naalakkersuisunut saqqummiunneqassaaq. Tamatuma kingorna Naalakkersuisut suleqatigiissitaliap innersuussutai isummerfigissavaat.

- 2. Aamma Naalakkersuisut qanoq iliuuseqarniarpat?**

### **Akissut**

Naalakkersuisut aalajangerput aalisartut ikiorneqarnissamik saaffiginnissuteqartut inatsisit atuuttut aammalu aningaasaqarnermut inatsisip iluanni ikiorneqassasut. Suleqatigiissitap piffissaq annertoq atorlugu qulaajaasimapput pineqartut aalisarsimanagerat, aningaasatigut teknikkikkullu atortutigut inissisimanagerat, taakkuuppullu ingerlariaqqinnissamut inassuseqaasiornermut aallaavissat. Nalilersuinermilu pingaartinneqarpoq arlaasa namminneq iliuuseqarlutik pissutsit aaqeeqataaffigisinnaaneraat.

Inussiarnersumik inuulluaqqusillunga

Finn Karlsen  
Aalisarnermut, Piniarnermut Nunalerinermullu Naalakkersuisoq